

鼻

三錫曰：肺開竅于鼻，世所共知也。然陽明之脈，挾鼻絡目，結于迎香，左之右，右之左，去鼻孔各開五分是穴。風邪從面而來，則入陽明，脈道拂鬱，氣不通暢，故清涕時出，久變爲濁，所謂外寒束內熱，論極有理。須辛散之，方書多用升麻、葛根、白芷、葱白，乃陽明經藥也。鬱熱旣久，頓發不開，必加辛涼，酒枯、芩、薄荷之類。至如酒客膏粱，辛熱炙燂，太過火邪炎上，孔竅壅塞，則爲鼻淵。

鼻中濁涕如湧泉漸變鼻衄衄血息肉鼻痔等症卽素問所謂膽移熱于腦之義

鼻塞時值寒月必加麻黃細辛于升麻葛根湯中佐以枯芩蘇葉多加甘桔爲舟楫庶易成功已經發散未得全開脉洪有力口乾鼻燥者君以辛涼清之酒芩梔子薄荷之屬仍佐荊防升芷不可驟用寒涼法也

氣虛之人氣弱不能上升則鼻塞滯所謂九竅不利腸胃之所生是也多服補中益氣湯自通

乃屢驗者、

戴復菴曰、平人多涕、或黃或白、或帶血如膿狀、皆腎虛所生、不可過用涼劑、亦有痰用南星散、兩寸脉浮洪而數、爲鼻衄、鼻鼽、右寸脉浮緩、爲傷風、鼻塞清涕、

丹溪曰、鼻爲肺竅、肺家有病而鼻不利也、有寒有熱、暴起爲寒、久鬱成熱、寒傷皮毛、氣不利而壅塞、熱壅清道、氣不宣通、先須表散、後以酒芩連梔子清之、

久患鼻膿極臭者冷水調百草霜末服

腦漏氣弱色白人右氣口虛大補中益氣湯加
川芎防風細辛白芷辛荑半飽服

酒齕鼻乃熱血入面爲寒所拂熱血得寒污濁
凝滯而然服前藥外用梧桐子取油入黃連以
天吊藤燒油熱傳之

又方用山硫黃入蘿蔔肉煨乳香輕粉烏頭尖
酥調傳或用膽礬傳之

面鼻紫黑面爲陽中之陽鼻居面之中一身之

血運到面鼻皆爲至清至精之血，多酒之人酒氣薰蒸，面鼻得酒，血爲極熱，熱血得寒，污濁凝結而不行，故色紫黑。治宜化滯血，生新血，四物加酒片苓、紅花、酒浸陳皮、茯苓、甘草、生薑煎調五靈脂末服。氣弱者加黃芪。

酒浸

上焦火盛，酒客膏粱，脉洪數有力，而面生酒刺及糟鼻，山梔仁、酒浸微炒爲末，蜜丸彈子大，臨臥嚼一丸白湯下，或加連翹仁更佳。

鼻淵濁涕如淵，內經謂膽移熱于腦，則入額鼻

淵要皆陽明伏火所致防風通聖散一兩加薄荷黃連各二錢半水煎服一法本方硝黃滑石石膏減半倍加辛荑

鼻中息肉塞久氣不通用枯礬爲末面脂結

塞耳中數日自消乃屢驗者又法用水通細辛附子炮蜜和綿裹塞鼻中又用防風通聖散加荊三稜山茱萸肉海藻并用酒炒爲末每服錢半酒調下

宣明防風散

治鼻淵濁涕不止久而不已必

成衄

黃芩

人參

甘草

炙

川芎

麥門冬

去心

各一兩

防風

半兩

右爲末每服二錢沸湯調食後服目三

寒月鼻塞不聞香臭晨起者麗澤通氣散

黃芪

八分

蒼朮

羌活

獨活

防風

升麻

葛根

各六分

甘草

炙四分

麻黃

嚴寒加

川椒

白芷

各二分

薑三片棗二枚葱白三寸水二鍾煎一鍾溫

服忌一切冷物及風涼處坐臥

鼻中流臭黃水腦亦痛名控腦沙有蟲食腦中
用絲瓜藤近根三五尺許燒存性爲細末酒調
服卽愈 不已灸法妙顙會在鼻心直上人髮際
二寸再容豆是穴灸七壯通天在顙會上一
寸兩傍各一寸灸七壯隨鼻左右灸常晃灸後
去臭肉一塊從鼻中出臭不可言而愈

塞鼻藥

通草散 治鼻雖氣不通不聞香臭

木通

細辛

附子

各等分

右爲末蜜和綿裹少許納鼻中

治同上

皂角

各等分

右爲末綿裹塞鼻中

痰火鬱結于上焦胸中盲瘻之上上竅不通則

玄門閉密而鼻不聞香口不知味或耳聾目昏

良由大氣弱不能上衝濁氣得以擅權是虛爲

本而痰火爲標也當補中益氣加升柴諸風藥

引上行兼用清上化痰開竅丸藥戒性慎口欠
之自全此錫屢驗者

鼻淵

火鬱上焦氣不通抑遏成涕內經所謂肺熱則
出涕是也方書謂腦滲爲涕恐未

防風湯 治同上

防風

半兩

黃連

人參

甘草

炙

川芎

麥冬

去心各
一兩

右細末每服一錢涕湯點服日三

丹溪治一中年人右鼻管流濁且臭脉弦小右寸滑左寸瀼灸上星三里合谷次以酒苓二兩蒼朮半夏各一兩辛荑川芎白芷石膏人參葛根各半兩分七貼服之全愈乃痰鬱火熱之疾也

防風通聖散去硝黃減石膏滑石一半加辛荑先服三五貼再用此爲丸早晚白湯下半斤愈
蒼耳散 治鼻流濁涕不止

辛荑

兩半

蒼耳子

炒二兩半

香白芷

兩一

薄荷葉

分五

右爲末葱茶湯臨睡下

冬月勢盛者辛荑散佳

辛荑

細辛

藁本

升麻

川芎

白芷

木通

防風

甘草

右爲末每服一錢食後茶清下

鼻鼽

謂流清涕也

丹溪曰肥人鼻流清涕乃飲食痰積也要亦濁液挾火壅塞而然

蒼朮

片苓

南星

川芎

白芷

辛荑 甘草

或末或丸白湯下世傳鼻流臭膿百草霜研

細冷水下三錢効

塞鼻藥

治鼻鼽

通草

辛荑

各五分

細辛

甘遂

桂心

芎藭

附子

各一兩

右爲末蜜丸麻子大綿裹塞鼻中

又方辛荑膏

治同上

細辛

川椒

乾薑

川芎

莫茱萸

辛荑

附子

各三分

皂角屑

半兩桂心

一兩

猪脂

六兩

右煎猪脂成膏先一宿以苦酒浸前八味入

油煎附子黃色止以綿裹少許塞鼻中

息肉

羊肺散

治肺虛濕熱壅塞鼻生息肉不聞香

臭

羊肺

一具

白朮

四兩

菰蓉

木通

乾薑

川芎

各一兩

右爲細末水調灌羊肺中煮熟焙乾細研爲末食後米飲下此從治法也

三錫曰息肉必由上焦積熱鬱塞已久而生然有諸中然後形諸外必內服清火利膈藥二陳涼膈加減須斷酒薄味

韓氏醫通曰雨霽地生菌息之像也

一中貴鼻中肉贅臭不可言痛不可搔束手待斃以白礬末加硃砂少許吹上化水而消內服勝濕湯加瀉白散

又一方息肉因胃中有食積熱痰流注治本爲佳

蝴蝶礬

錢一細辛一錢

白芷五分

右爲末綿裹塞鼻孔頻換又方蝴蝶礬二分

號丹一分細辛一錢如上塞之三因方枯

礬一味爲末綿裹塞鼻中數日息與藥俱

落

辛萸膏

治息肉時作痛

辛萸

二兩

細辛

木通

木香

白芷

杏仁

湯浸去皮尖各半兩

右用猪脂髓猪脂二兩和藥于石器內慢火
熬成膏放冷加龍腦麝香合一錢爲丸綿
裹塞鼻中數日內脫落

有人卒食物從鼻中縮入腦中介介痛不得出
以牛脂或羊脂如指頭大內鼻中以鼻吸入須
臾脂消物逐脂出也

輕黃散 治同上

輕粉

杏仁

湯泡去皮尖及雙仁各一錢

雄黃

半兩